

17.25 CUNTRASTS SIN SRF 1

Tut che tira flad – Arno Caluori e sias orglas



Ella vegn numnada la regina dals instruments. Ella tuna sco in entir orchester, ma ella sa era tunar dulutsch e fin. L'orgla. Ozendi è ella dentant savens mez embliada en ina baselgia vida e fraida. Ma quai na vul betg dir che nagin s'interessescha pli per las orglas. In che ha bajegià passa 30 orglas è Arno Caluori. En il film «Tut che tira flad» accompogna l'autur Casper Nicca il construider d'orglas, oriund da Domat, durant la revisiun da l'orgla da la chaplutta da Vignogn. «In'orgla tira flad, in'orgla ha ina olma», di Arno Caluori e maina l'aspectatur en l'intern da las orglas, lascha guardar davos ils tschivlots ed en l'intern da quai che ha fatg che Arno Caluori ha vivì ina vita per l'orgla.